

Алихон Муллаохун ўгли Оразий 1869 йилда собик Маргилон уезди Шахрихон волостининг Кашкар махалласида кулол оиласида тугилди. Алихон Оразий ёзиш ва ўқишни дастлаб ўз онасидан ўрганди. Сўнгра махалласидаги отинбибида ўқишни давом эттирди. У 1884—1890 йилларда Шахрихондаги Дастурхончи мадрасасида тахсил кўради. Бирок, рўзгор танглиги унга мадрасани тугатишга имкон бермади. У 1890 йилдан эътиборан рўзгор тебратишда отасига кўмаклаша бошлайди ва кулолчилик дастгоҳини бошқаради. У бирмунча вақт бойлар эшигида, козихоналарда ишлади. Лекин бўлажак шоир тинмай шахсий мутолаани давом эттирди.

1916 йил Шахрихонда Николай подшоҳнинг мардикор олиш сиёсатига қарши кўтарилган халқ кўзғолонида Оразийгина эмас, унинг катта ўгли Абдумўмин ва кадрдон дўсти Хайратийлар ҳам иштирок этди. Галаён шафқатсизлик билан бостирилгандан сўнг, шоир яшириниб юришга мажбур бўлди.

Адабиёт даргоҳига катта эътикод билан кириб келган шоир умрининг сўнги йилларигача ижод билан банд бўлди.

Шоир Алихон Муллаохун ўгли Оразий 1942 йили 1 сентябрда Шахрихонда вафот этди.

МУХАММАСЛАР

* * *

Ушбу жахон элининг даъвоси пул эмасми?
Тун-кун дилида севган зебоси пул эмасми?
Бу халқнинг шунча шўриш-гавгоси пул эмасми?
Бир-бирига тухмат айлаб, игвоси пул эмасми?
Макру фириблар айлаб, савдоси пул эмасми?

Махбуби ом ўлмиш хар ерда бўлса олтин,
Хар кимга жилва айлаб бир бокса килди мажнун,
Лекин бу кўхна гардун хар кун бўлар дигаргун,
Билмам асиру зорми олтинга коф ила нун,
Махлуклар ичида аълоси пул эмасми?

Кимларни килди кўрдик: тунларда томтешарлик,
Кўпларнинг касби бўлди, бас, акчадон кесарлик,
Пул деб не нозанинлар бўйнига олди гарлнк,
Ширин тамок ўлди ахли риё хазарлик,
Хар кўчаларда сур-сур, хо-хоси пул эмасми?

Хар кимда бўлса пул кўп, кимни кўзига илгай,
Парвойига кетурмас, олам бори йигилгай,
Хеч ақл чора килмай, ё бошича йикилгай,
Кўпдир гурури кайфи, ким топди, ўзи билгай,
Бу даҳри пурфусуннинг мийноси пул эмасми?

Кўрдингми канча инсон касб айлашур гадолик,
Бир канчаси кўйиб от, ўзига мосуволик,
Кўлда риёи тасбех, бўйни бўлиб ридолик,
Бу холига уялмай, ўзини дер хаёлик,
Кўрсатган элга итдек суллоси пул эмасми?

Ўлдиргай ўз отасин якбора топса фурсат,
Мушфик онасини хам солгай бошига кулфат,
Парвойига келарми бошига ёгса лаънат,
Пул завки тушган инсон килмас кишига шафкат,
Бу холларга солган, устоси пул эмасми?

Кўрдингми канча одам парсиз хавога учгай,
Аслини топмок учун авжи самога учгай,
Максадга чин етолмай дорилбакога учгай,
Сиз хам фикрланг, ўйланг, не муддаога учгай,
Эл огзида дейилган Анкоси пул эмасми?

Бирмунча бахши, кушнач, бирмунчамиз дуохон,
Топгаймиз илми найранг, бўлгаймиз анча эшон,
Дасмоямиз кифоя, хар кунда канча ёлгон,
Бизларнинг макримиздан шайтон бўлди хайрон,
Туш ухламай кўрармиз восвоси пул эмасми?

Не яхши меҳрибонни айирди бир-биридан,
Кўрдингми зўр айлар хотинни ўз эридан,
Сарсон килиб чикаргай кўп элни ўз еридан,
Тондирди кўп хасисни устод ила пиридан,
Хунсо элин ишонган ошноси пул эмасми?

Суратга бергай оро, сийратда неча хил гаш,
Рангин асолар ушлаб, хам салла-тўн мунаккаш,
Эшон мурид овлаб хар кўчаларда каш-каш,
То топди бой, мулло бир-бирисидин айш-айш,
Тун кечаларда махфий ялласи пул эмасми?

Гап пулдадир мукаррар, кўп бунча килма инкор,
Токайгача демасмиз ёлгончилик на даркор,
Тўрт кунлик умр дерсан, килсанг-чи, энди бир ор,
Хозирда кўп очилди бир канча махфий асрор,
Жаннатда жой олишнинг ваъдаси пул эмасми?

Пул деб тамоми инсон, эй муддаии нодон,
Минг хил фириб бирлан хар кўчаларда нолон,
Хеч борми юз ўгирган кофир ва ё мусулмон,
Ким деса «хохламасман», албатта билки ёлгон,

Олам мисоли дарё — гаввоси пул эмасми?

Тарк айлатиб ватанни, келтирди Андижонга,
Ўлтирса хам бу ерда, кўзидир хар каёнга,
Оразнинг токати йўк хар рангли унвонга,
Уйгурлар одат этмиш ўзбек каби имонга,
Шарму хаёга голиб дадоси пул эмасми?

* * *

Кутилмок йўкми, ёраб, ушбу золим агниёлардин,
Чикиб ердин хавога ўрлаган кибру хаволардин,
Сўрарга камбагалнинг конини хуш иштахолардин,
Кўзи оч, ўзи суллохликда ортукдир гадолардин,
Уялмай лоф урар савдо-сотик, банку широлардин.

Тамоми халк бошига бало Андижонда Миркомил,
Жафокашларнинг мулкин тортиб олмокка хўп омил,
Дегайсен: «Камбагал дехконнинг ашёсига азройил,
Жахонни килди холо пул кўпайтирмок билан койил,
Еру сув, молу мулки — барчаси гасбу риёлардин!»

Хушомад бирла барча козию мингбоши хизматкор,
Тамоми муфти, аълам «ер хатин» ёзмок учун тайёр,
Топарга бой кўнглин хар неча хукм этмокка жаррор,
Писанд этмайди минг дехконга хар кун етса минг озор,
Кўрармиз кунда хар хил неча ранг жабру жафолардин,

Анга карши чикиб Ахмадбек хожи бой афандимдур,
Мударрис, мулла рухоний гурухига бўлиб манзур,
Бу хам бир неча дехконларни ишлатмок била масрур,
Унинг макру фириби барча оламга бўлиб машхур,
Ривожи кун-букун бололанур ёлгон дуолардин.

Кўконда Солижону Маргилонда Саййид Ахмаджон,
Кувода бой Олиму Шахрихонда яна икки жон,
Тарафкаш Саид Одил, Ахмадохунлардадур жавлон,
Асака Тешабой хожию Обиджон билан сарсон,
Ва лекин хеч бир ер бўш эмас бундог балолардин.

Тамоми касби холо савдогар номида судхўрлик,
Хушомад йўлида кўп шайху эшон килмади гўрлик,
Буларнинг хизмати-чун камбагал дехконда мажбурлик,
Тасарруф килмокка ўз мулкани хар кимда йўк хурлик,
Умид йўк ошною балки пиру пешволардин.

Риёхўрликнинг таълимига мохир муфтию аълам,
Йўк ўлди порасиз кози бўлиш балки имомат хам,
Инобатликми элликбошисиз ҳеч ким уролмас дам,
Улар ҳар қайси бир бой ихтиёри бирла мустаҳкам,
Тарикча йўк буларда ҳеч хам шарму ҳаёлардин.

* * *

Кўнгил ором бирлан тургулик бир жой топилмайди,
Мувофик ёри содик топилурму ё топилмайди,
Килай арзим десам ул ёра, бир танҳо топилмайди,
Ажаб бир ҳола колдим, максудим асло топилмайди,
Килурман ўз-ўзимча оху вовайло, топилмайди.

Кўнгил мулкани торож этгали берганмикан буйрук,
Назар холимга солмай ҳар тарафдан ёғдирурлар ўк,
Кима хам арз этарман дилдаги дардимни мен мунглюк,
Дилим восвос, жисмим турфа бир мажруҳу малҳам йўк,
Ва ё сохнбнафас бир химмати аъло топилмайди.

Юрарман чора излаб дафъ бўлгайму машаккат деб,
Кўзимга ким кўринса жавдирарман, борми шафкат деб,
Улим беҳрок дерман халк ногоҳ килса нафрат деб,
Борарман чора излаб ҳар эшикка «ё ҳақиқат» деб,
Савол айлаб ҳақиқат килгучи доно топилмайди.

Юрак дардини кўрсатмокка мумкинми ёриб, тилмок,
Билинди, йўк экан тақдир тоши ўрнидан жилмок,
Агарчи фарз экан оламнинг корин ўкимок, билмок,
Менга одат хам эрмас, холи олам шиквасин килмок,
Килурга дафъи гам бир нотики гўё топилмайди.

Килурман орзу келганмикан деб менга бир ҳамдаст,
Таажжубдан таажжуб кеча-кундуз гам келар пайваст,
Ракиблар канча бололанса, мен хам шунча бўлгум паст,
Нетай афсусланмай толеимдур уйку бирлан маст,
Уни уйгатгудек бир нозанин барно топилмайди.

Масалдур эскилардан: «Бошга ҳар иш келса, кўз тортар»,
Билармукин замондан нолиган ким бирла нар ўйнар,
Билолма сурат ороларни ҳолат модаму ё нар,
Мухаббат аҳли зеболарни кўрса кўз ёши ортар,
Қачон гул фасли ўтса булбулигўё топилмайди.

Ярашгайму, ёронлар, ухламай туш кўрса инсонга,
Қараб турмоқдадирмиз шунча ёлгон текса хам жонга,

Гараз хамёнми ёки нон учун ўт кўйса имонга, .
Йўк асло эътикодим бахши, эшону дуохонга,
Ўкиб килган амал илмига бир воло топилмайди.

Муродим маънилик ҳақ сўзга ҳар кандог кўнгил эргай,
Фаросат аҳли ҳар бир киссадан сўз гавхарин тергай,
Олай таълим деб устода, борсам елкасин кергай,
Бугун бир, эрта у хил кор кил деб сабок бергай,
Не дерман, Оразо, бир йўлу бир имло топилмайди.

ЭЙ ПАРИ!

Эй пари, бошинг хаки, холимга бир наззора кил,
Сурати холим кўриб, инсофа кел, бир чора кил,
Лутф кил, хохи газаб, мен зор хизматкора кил,
Ҳар қачон хуснинг закотин мустаҳик бечора кил,
Илтифотинг ташнаи дидор ўлан хуммора кил.

Чорасизликдан дегайман, зулм килсанг майлига,
Тиги мужгонинг билан багримни тилсанг майлига,
Бўлмади дардим яширмоқ, энди билсанг майлига,
Хўпмидир, дебсан: «Ракиблардан сикилсанг майлига»,
Мендаги мақсад йўлида, хохласанг, минг пора кил.

Аввали хўп меҳрибонликларни килдинг ноз ила,
Ҳар савол этсам жавоб айдинг ширин эъзоз ила,
Гох ўкиб «Гулёр», гох «Ушшок», гох «Шахноз» ила,
Тенг бўлолмас ҳеч махваш сен каби танноз ила,
Хўб эмас куйган жарохатга сепиб туз, ёра кил.

Оҳким, ҳажрингда мундог зор ўлай тоқайгача,
Гайрлар олдида айши тор ўлай тоқайгача,
Зор йиглаб ташнаи дидор ўлай тоқайгача,
Ёд этиб ўтмишни, миннатдор ўлай тоқайгача,
Сизга ким ўргатди: «Ошиқларни бахтин қора кил!»

Булбулингман, нола айлай, эй юзи гул, ёр-ёр,
Арз этай ҳасратларимни, сенга йиглаб зор-зор,
Қулмагил, санчилса багримга агар минг хор-хор,
Нотавон кўнглимда васл уммедидан аҳбор бор,
Йўл юриш таълимини товуси хуш рафтора кил.

Ишк завқини билурму худпараст нопоклар,
Васл кадрин қайда билгай булхавас бебоклар,
Шод эмас жаннатга кирса, ҳажрдан гамноклар,
Чекмақ ўлмас Оразийдек охи оташноклар,

Ўргилай, бир йўл хироминг сахнаи гулзора кил.

БАХОР АЙЁМИ КЕЛДИ

Бахор айёми келди, эй кўнгил, жононингга роз эт,
Сахарлар нола айлаб, шавк ила булбулдек овоз эт,
Рнёли зухду такводан кечиб, майхонага боз эт,
Ўзингни неча кунлар дайр пири бирла дамсоз эт,
Оёга бош уриб, мугбачаларни хўш сарафроз эт.

Юриб бебоклардек бефикр, бекор ўлтирма,
Ингитсан, мард бўлсанг, ўлгунча бемор ўлтирма,
Кими бекор кўрсанг бўлди бир кун хор, ўлтирма,
Маишат йўлига меҳнат эрур даркор, ўлтирма,
Сенга фазлу хунар ўргатгучилар бўлса эъзоз эт.

Ёғиб борони раҳмат хар гиёҳда турли хангома,
Замин зеболанибдур сабза бахмалдан кийиб жома,
Бу овози фарахбахшида, ваҳким, тушмишам дома,
Сабо, еткур мени дилхастадин ул ёра бир нома,
Добон ошиклара эҳсон учун хуснингга пардоз эт,

Бугуннинг лаззати-чун хўп муҳаббат бодасин нўш эт,
Тамоми ахли мажлисни наво сози ила хуш эт,
Муганний, сен хам энди килмай истигно, сўзим гўш эт,
Рубобу чангу сетора гаҳи панжанг дар огўш эт,
«Баёт», «Ушшок» ила «Гулёр», «Ирок» олдида «Шахноз»

Бурунги лаззатидан Оразий эркан ажаб содда,
Ки энди нўш этиб бўлмиш жунун даштига омода,
Хамокатдан эмишким, ўтмиш айёмин олур ёда,
Менга бўлди асос ўрнида бу оку кизил бода,
Узат, бир ок ичай, эй сокиё, хам каддими гоз эт.